

'ի Կոստանդինուպօլսոյ և բաժանել նոցա . զի եթէ արատ ինչ տեսանէին 'ի նոցա , դարձուցանէին յետս և խնդրէին զիրկնապատիկ գին նոցին . իսկ յորժամ փակեցան ծովային ճանապարհք յերեսաց պատերազմաց եւ խռովութեանց ժամանակին՝ և դադարեցան նաւք ուխտաւորաց , փոխանակ ընծայից առնուին դրամս , և 'ի բանալ ճանապարհաց վերստին դարձան յառաջին սովորութիւնս , և Պօղոս արդել զայս հրամանաւ Արքային , և ժամանակ ինչ 'ի տեղի ընծայից որ խափանեալ էր՝ ետ դրամս , և ապա սակաւ առ սակաւ նուազեցաւ և այն , այլ ոչ խալառ բարձեալ անհետ եղեւ :

Յաւուրց անտի Պատրիարքութեան Թէոդորոսի երեւելի հանդիսանայր յարաբերութեամբ իւրով ընդ վանականս Զմիւռնացի Պ . Մուրատ Յարութիւնեան 'ի բնակչաց քաղաքին Նրուսաղէմի . իսկ յետ մահուան Թէոդորոսի առաւել մտերմանայ ընդ Խորհրդականս Սրբոյ Աթոռոյն և 'ի հարկաւորեալ գէսս իւրովք խորհրդովք ձեռնտու և օգնական լինի յամենայն կարեւոր գործս վանաց . մանաւանդ չնորհիւ հայրենակցին իւրոյ Պօղոս Պէյի Եւսուֆեան՝ հասանելով 'ի պաշտօն Հիւպատոսութեան Սարտինեայ և Նարոլիթանի՝ և եւս ճոխացաւ ազդեցութեամբ և պատուով :

Պօղոս Պատրիարք Ադրիանուպօլսեցի , ըստ բնատուր շնորհաց իւրոց՝ գիտաց զբարեպաշտ ազգասիրութիւն Պ . Մուրատայ յօգուտ Ս . Աթոռոյն 'ի կիր առնուլ և 'ի կենդանութեանն յաւերժական յիշատակօք եւ կտակաւ պանծալիս կացուցանել զանուն նորին : Այսոքիկ են կրտակաւ աւանդեալքն 'ի Պ . Մուրատայ Սուրբ Աթոռոյս , 1°.—Տուն մի 'ի չրջապատս փոքրիկ գետնով , 'ի գիւղն Բեթղէնէմի . 2°.—Մեծ պարտէզ մի արտաքոյ քաղաքին Յոպպէի գեղեցիկակերտ տամբք , ջրհորովք , տնկովք եւ ընդարձակ գետնով (՝) . 3°.—Արտաքոյ քաղաքին Յոպպէի գերեզմանատունն Հայոց , նոյնպէս ընդարձակ պարտիզեաւ :

(՝) Այս պարտէզ սակո արդիւնաւորելոյ . Զմիւռնացի Տ . Յովնան նէս Պատրիարք Խաչիպառլէ օրինօք փոխանակեաց Նրուսաղէմ տանց և կրօնակաց :